

Die einbildung der natur do hin neigen vn̄
 ziehen ist) eine rechte natürliche ordnung
 fürsich vnnd nit hinder sich / darumb ist die
 kunst der Rechnung auch der Hebraischen
 schrift nach gesetzt / das die Erst / bey der
 rechten handt / die Erste figur heist / vnnd
 bedeut sich selbst / als 3 bedeut drey / 4 be-
 deut 4 / 9 bedeut Neün zc. Die nechste do
 bey legen der lincken heist die annder figur
 in der ordnung / vnnd bedeut sich selbst ze-
 hen mall / vnnd soll mit der Ersten / so sie
 bede bedeutlich sein / außgesprochen werde.
 Als / 23 / 3 bedeut drey / 2 bedeut zwanzig /
 dan zway zu zehen mall genommen ist zwanzig
 / darumb sprich drey vnnd zwanzig zu-
 samen. Die dritt figur in der ordnung von
 der Erstenn / bedeut sich selbst zu hundert
 mall. als 523 / bedeut fünff hundert / vnd
 drey vnd zwanzig / dz hundert soll allemal
 allain außgesprochen werden.

| | | | | | | |
|--------|---------|--------|--------|--------|-------|--------------|
| Lincke | 9 | 7 | 5 | 2 | 3 | Rechte handt |
| | Di | Di | Di | Di | Di | |
| | Sunffte | Vierde | Dritte | Zunder | Erste | |